

ձախ ափին գտնուում են Ուրոգուայի, Կապարմետ, Գուրբան, Չանձուլ, Ադուրչա, Բագա, Գուրչա, Գոլիսիտ, Կուրիդերի, Օսման-Չիսալետ, Բաշեոյ, Կուրիա, Կեմչի-րետ, Չիլաուր, էրսեուլմա, Բարնալիֆ-Թեֆեհի — բարձունքն անցնում է Կերխանեթի եւ Պարեթի առուները, որոնք բոլորն էլ համանուն գեղերով եւ սրանց պարագանի-րով միանում են Մուրղուլին:

Սպերից մինչեւ Մուրղուլ 1—200 հին բովեր կան, որոնցից ամէն մինը 4—5000 տարի բանել են եւ նրանց միջից անբաւ մետաղ են դուրս բերել: Ամէն մի հանքաբան որ ուսումնասիրել է ճորոխի Աւազանի բովերը, նա յայտնել է, որ այդ բովերը հին են եւ դարերով գործածուած: 1820 թ. մինչեւ 1880 թ. վաթսուն տարի, այդ հանքերը բոլորովին չկարողացան բանացնել, շատերը մինչեւ այս օր էլ չեն գործում:

Ճորոխը Արգվիւնից ցած գալով՝ Իսրայի սահմանը անցնելուց յետոյ, աջից ընդու-նում է Ախալ-դարա առուակը համանուն գեղից, Մուրղուլ վտակն անցնելուց յետոյ, աջից ընդունում է Դեւիս¹ վտակը, որ իջ-

1 Դեւիս անունը ենթագրելի է, թէ Դեւ, Դեւք բառից ծագած լինի: Այնպիսի կուսական անտառներով է պատած Դեւիսի աւազանը, այնպիսի մութ ու մուշլ անտառներ ունի, որ սրանց սարսափը միայն կարող էր մարդկանց դանդում ու սրտում զօրացնել Դեւերի-սասանա-ների գաղափարը: Այս վտակի ափի Դեւսկել, Դիվցիսել առուակները յիշեցնում են Դեւիսի անունը: